

HIERONYMUS.

ΕΥΣΕΒΙΟΣ.

EUSEBIUS.

SCYTHOPOLIS. Vide supra BETHSAN.

SEBASTHE, toto hoc libro de locis Hebraicis eadem est, quæ SAMARIA. Vide supra SAMARIA.

¹ SEBOIM, civitas impiorum, Σεβωίμ, πόλις ἀσεβῶν, περὶ ⁸ SEBOIM, civitas impiorum, in æternos cineres dissoluta, juxta τὴν Σοδομίτιν, ἀφανισθεῖσα. circa urbem Sodomam, deleta funditus.

SECHRONA. Vide SACHARONA supra.

SEDADA, locus in terminis totius Judææ juxta Libanum montem Aquilonaribus, Num xxxiv. ψf. 8. Ezech. xlvi. ψf. 15. Vide supra in SADADA & SADALA.

² SEDRACH, terra Damasci, Σεδράχ, γῆ τῆς Δαμασκοῦ, ἐν SEDRACH, terra Damasci, in legimus in Zacharia. Ζαχαρία.

³ SEGOR, quæ & Bala, & Zoara una de quinque civitatibus Sodomorum ad preces Lot de incendio reservata, quæ usque nunc ostenditur. meminit hujus & Esaias in visione contra Moab, de qua & supra diximus.

SEHESIMA, locus in finibus tribus Issachar versus Occidentem, Jos. xix. ψf. 22.

⁴ SEIR, mons in terra Edom in qua habitavit Esau in regione Gabalena, quæ ex eo quod Esau pilosus esset & hispidus, Seir, id est, pilosi nomen accepit, in quibus locis prius habitavit Chorræus, quem interfecit Chodorlaomor. Meminit montis Seir & Esaias in visione Idumææ.

Σειρ, ὄρος γῆς Εἰδώμ, ἐνθα ᾤκει Ἡσαῦ ἐν τῇ Γαβαληνῇ, ἀπὸ Ἡσαῦ κληθεῖσα. ἐτετέγχωτο γὰρ, ὅλος δαυὶς αὐτ. τριχῶτος δὲ ἐβμηνεύεται Ση-είρ. λέγει δὲ ἡ γραφή, ὅτι καὶ πρὸ τοῦ Ἡσαῦ, ὁ οἰκῶν τὸν τόπον Χορ-ραῖος Σηεῖς ἐκαλεῖτο, ὃν ἀνείλε Χορ-λαγομόρ. μέμνηται τῆς Σηεῖρ καὶ Ἡσα-ίας ἐν ὁράσει τῆς Ἰδουμαίας.

SEIR, mons terræ Edom, ubi habitabat Esau in terra Gabalenæ ab Esau vocata. Pilosus enim fuerat totus hispidus existens. Pilosus autem exponitur Seir. Porro Scriptura dicit ante Esau, Chorræum, qui eum locum incolebat, vocatum fuisse Seir, quem interfecit Chodorlaomor. Meminit Seir Esaias in visione Idumææ.

⁵ SEIRA, hanc cepit Jesus filius Nave.

Σχειρά, καὶ ταύτην εἶλεν Ἰησοῦς.

SCIRA, & hanc cepit JESUS.

⁶ SEIRA, nomen putei, à quo Joab fecit reverti principem exercitus Abner.

Σειρά, πρὸς ὃν ἀπέστρεψεν Ἰω-ἀβ τὸν Ἀβνέρ.

SEIRA, puteus unde reverti fecit Joab Abenner.

SEIRATH, Judic. iii. ψf. 26. quantum ex circumstantiis, quæ ibi adferuntur, colligi potest, videtur fuisse in tribu Ephraim, in ejusque ad Austrum finibus.

⁷ SELA, in tribu Benjamin.

Σελά, φυλῆς Βενιαμίν.

SELA, tribus Benjamin.

NOTÆ.

1. Fuit hæc una è Pentapoleos civitatibus cum Sodoma & Gomorrah cælesti incendio absumptis, interque eas recensetur Deuter. 29. v. 23. fuit & alia Seboim, urbs in tribu Benjamin juxta desertum, seu solitudinem Hierichuntinam, cujus fit mentio 1 Reg. 13. v. 18. & 2 Esdræ 11. v. 34. sed hæc à præcedenti in Hebræo nonnihil scriptione differt; prior enim illa dicitur סְבוֹיִם quasi dicas inflatos: posterior סְבוֹיִם, hoc est, tinctos, serpentes, basiliscos. BONFRERIUS.

2. In versione nostra Hadrach terra hæc vel regio nominatur Zachar. 9. v. 1. IDEM.

3. Fuit hæc inter Pentapoleos civitates minima, ut ipsa vox sonat, (significat enim Segor parvam, vel minimam) est autem sita juxta mare mortuum, post absumptas reliquas incendio Pentapoleos civitates. Unde de hac urbe, ejusque nominibus plura à nobis dicta ad Gen. 19. v. 20. Meminerunt autem hujus Isaias Cap. 15. v. 5. & Hierem. Cap. 48. v. 34. adversum Moab prophetantes, non quod ea in Moabide regione esset, siquidem cis Jordanem vel mare mortuum erat, sed quod in Moabitarum esset vicinia, clamorque Moabitarum in captivitatem abducendorum eousque exaudiri posset. IDEM.

4. An mons ille ab Esau nomen habuerit revocari possit in dubium, cum in Idumæa illa Australis non habitaret Esau, & antequam illuc venirent Idumæi jam videatur nomen illud habuisse, Gen. 14. v. 6. potueritque nomen habere à Seir Horreæo ejus regionis principe Gen. 36. v. 20. ante Idumæorum in eam regionem adventum. Videtur & Seir regionis ac montis nomen esse in Idumæa Orientali, ubi habitavit Esau & Idumæi ejus posterii, priusquam in

Idumæam Australem commigrarent Gen. 32. v. 3. & Cap. 33. v. 14. quod nomen ab Esau accepisse supra modum verisimile est. Porro Mons ille Seir in Idumæa Orientali, vel regio videtur pars montis Galad fuisse, vel regionis ad istius montis radices. IDEM.

5. Nusquam in libro Josue hanc inter urbes à Josue captas legimus etiam apud Septuaginta Interpretes. Est altera Seira 4 Reg. 8. v. 21. ubi Joram rex ex improvise nocte superveniens oppressit Idumæos. Ea verò non alibi videtur reponenda quàm in Idumæa: Joram enim aggressor erat, ut qui ad officium Idumæos rebellantes vellet compellere, idque ipsum disertè in ea historia referenda sensit Josephus, etsi è Scriptura res paulo sit obscurior. Non tamen existimandum est nomen Seira ibi idem esse nomen quod Seir mons, vel regio Idumæorum; aliter enim in Hebræo scribitur. IDEM.

6. De hoc puteo seu cisterna, quæ in versione nostra Sira appellatur, habes 2 Reg. 3. v. 26. IDEM.

7. De hac habes Jos. 18. v. 28. IDEM.

8. Περὶ τῆς Σοδομίτιν] Optimè, malè verò Martianeus, τὴν Σοδομίτιν, quem errorem sæpius admisit. Sed vertendum non erat circa urbem Sodomam, sed circa Sodomitidem; nimirum, terram. De Segor vide ad Soora. CLERICUS.

9. An non fortè κληθὲν legendum? BONFRERIUS.

9. Κληθείσα] Aut legendum κληθὲν, cum Bonfrerio, ita ut referatur ad ὄρος, aut κληθείσα, si sit construenda hæc vox cum antecedente Γαβαληνῇ. Mallem referre ad montem, qui propriè ita dictus, & apud Hieronymum, mutare quæ in qui, propter sequentia. IDEM.